



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Articulus I. De ætate, & qualitate præficiendorum Ecclesij.

---

[urn:nbn:de:hbz:466:1-73031](#)

## QUÆSTIO XIV.

### IN TITULUM XIV. DE ÆTATE, QUALITATE, ET ORDINE PRÆFICIENDORUM.

**C**um illi, qui præficiendi sunt Ecclesijs, debeat esse legitimæ ætatis, certatum qualitatum, & habere ordines; de his præsenti titulo agitur; sicut enim bono Ecclesiarum Regimini plurimum detrimento nascitur, si ji, qui Rectores sunt Ecclesiarum, & Pastores animarū, ejusmodi munia suscipiant, debitis ad ea qualitatibus destituti (quod observans D. Gregorius hom. 17. in Evangel. non sine gravi micerore deplorat, dicens: *ecce mundus Sacerdotibus plenus est; sed tamen, in messe DEI, rarus valde invenitur operator: quia officium quidem Sacerdotale suscipimus, sed opus officij non implemus*) sicut, inquam, hoc plurimum documenti affert; ita maximæ animarum, ac Ecclesiæ utilitati est, bonos, ac debitibus qualitatibus ornatos Clericos, regendis Ecclesijs præficere; de quo in præsenti:

#### ARTICULUS I.

De ætate, & qualitate præficiendorum Ecclesijs.

**S**upponendum ex Trid. sess. 7. de reform. c. 1. ad Regimen Ecclesiarum Cathedralium, nullum, nisi ex legitimo matrimonio natum, ætate matura, gravitate morum, literarum & scientiarum, (juxta constitutionem Alexandri III. que incipit, cum in cunctis in Concilio Lateranensi promulgataam) prædictum assumi. Hinc, ut quis præficiatur Episcopatu, requiritur ætas 30. annorum completorum; ut notat Barbosa in Trid. cit. n. 5. quod etiam procedit de Cardinali Episcopo; pro Cardinali Diacono, sufficere vigesimum tertium inceptum, tradit Vallenensis h. tit. n. 2. pro Cardinali Presbytro, trigesimum. V. Azor p. 1. l. 6. c. 5. q. 10.

Præter hoc not. 1. ad dignitatem, inferiorem Episcopatu, cui annexa est cura animarum, requiri annum vigesimum quintum ex Trid. sess. 24. c. 12. ibi: nemo igitur deinceps ad dignitates quascumque, quibus animarum cura subest, promovea-

tur, nisi, qui saltem 25. sue ætatis annum attigerit; & in Clericali ordine versatus, doctrina ad suum munus exequendum necessaria, ac morum integritate, commendetur, juxta constitutionem Alexandri III. in Concilio Lateranensi promulgatam, quæ incipit, cum in cunctis V. nu. 2807. ad alias dignitates, & officia sine cura animarum, jure Decretalium, sufficere ætatem 14. annorum, c. indecorum 3. h. t. ibi: personatus nemini intra annum 14. constituto. &c. jure autem Tridentini loc. cit. ætatem 22. completorum.

Not. 2. ad beneficium Parochiale, vel 1298.

aliud Curatum, requiri annum vigesimum quintum, saltem inchoatum; alias collatio nulla est, c. 14. de elect. in 6. ibi: statuimus, ut nullus ad regimen parœcialis Ecclesiæ assumatur, nisi sit idoneus moribus, scientiâ, & ætate: decernentes collationes de parœcialibus Ecclesijs ijs, qui non attigerint 25. annum, de cetero faciendas, viribus omnino carere, & cap. 15. eod. in 6. ibi: nemo deinceps parœcialem Ecclesiæ, alicui non constituto in ætate legitima, & Sacerdotio, commendare præsumat: nec tali etiâ, nisi unam: & evidenti necessitate, vel utilitate ipsius Ecclesiæ suadente. Hujusmodi autem commendam (ut præmittitur) rite factam, declaramus ultra semestris temporis spatium non durare; statuentes, quicquid secus de commendis Ecclesiarum parœcialium actum fuerit, esse irritum ipso jure. Eadem ætas requiritur in Vicarijs perpetuis Ecclesiarum Parochialium, Clement. unic. de offic. Vicar. ubi Clemens V. sic loquitur: *Quæ de Ecclesijs, curam animarum habentibus per receptionem aliarum similium amittendis: ac de ipsarum Rectoribus promovendis ad Sacerdotium: & de eorum ætate, à jure statuta noscuntur: in perpetuis Ecclesiarum Parœcialium Vicarijs, & assumptis ad eas, volumus observari.*

Not. 3. ad Canonicatus, præbendas, 2199. vel portiones Ecclesiarum Cathedralium eam ætatem requiri, quam exigit ordo, illi annexus, juxta Trid. sess. 24. c. 12. ibi: nemis

neminem etiam deinceps ad dignitatem, *Canonicatum*, aut portionem recipient, nisi, qui eo ordine sacro, aut sit initiatus, quem illa dignitas, præbenda, aut portio requirit; aut in tali ætate, ut infra tempus à jure, & ab hac sancta Synodo statutum, initiari valeat: in *Collegiata* verò, & cæteris inferioribus, require annum 14. saltem incepsum, *Trid. sess. 23.c. 8. de refor.* & c. *super inordinata, de præbend. juncta gloss. V. pueri*, nisi ex fundatione aliter cautum sit, cui *Concilium* non derogavit; sic declarationes in *Trid. cit. V. nu. 2806.* loquendo autem de qualitate præficiendorum Ecclesijs, notandum, inter qualitates in præficiendo Ecclesijs requiri. 1. quod sit dignus; 2. habilis; 3. aptus ad residendum in loco, si residentiam exigat, c. *quia nonnulli, de Cleric. non resid.* & ad exercendam curam sui muneric per se ipsum, c. *grave nimis, de præbend. c. licet Canon, de elect. in 6. Trid. sess. 7. c. 3. de reform.* 4. ut habeat scientiam muneri suo necessariam; 5. sit legitimus, vel in re, vel fictione juris per subsequens matrimoniū, ut notat *Barbosa* in c. 1. *Trid. sess. de reform.* de quibus constat ex iuribus jam allatis.

## ARTICULUS II.

## De ordine præficiendorum Ecclesijs.

2200.

**Q**uæstio est 1. quis ordo requiratur in præficiendo beneficio simplici? Resp. non requiri etiam minores Ordines; sed sufficere primam tonsuram, nisi aliud exigat consuetudo, statutum, vel fundatio talis Ecclesiæ. Nam, cum quædam beneficia sint Sacerdotalia, quædam diaconalia, alia subdiaconalia; is ordo requiritur, quem in obtinente beneficium exigit; vel saltem capacitas, ut illum recipere possit intra annum à die pacificæ possessionis, c. *licet Canon, c. Commissa, de elect. in 6. Trid. sess. 12. c. 4. & sess. 24.c. 12.*

2201.

Quæstio est 2. qualis Ordo prærequiratur in præficiendo beneficio *Parochiali*? Resp. quod saltem subdiaconatus; quamvis illud Episcopus conferre possit Clerico in minoribus, modò alias sit idoneus, & intra breve tempus ordinari possit in presbyterum, c. *præterea h. t.* Idem requiritur ad dignitates curatas, nimurum capacitas

proxima suscipiendi presbyterium intra annum, c. *cum in cunctis, de elect. si vero non habeant annexam curam animarum, sufficiunt 22 anni; Pirhing. hic nu. 38.*

Præter hæc not. in promovendo ad dignitates, quibus cura animarum, vel jurisdictio fori externi, annexa est, requiri, ut, si presbyter non sit, fiat; ad Abbatiam, Præposituram, & Decanatum, presbyterium actu, vel aptitudine proxima; quamvis, ob necessitatem Ecclesiæ, in Abbatem etiam dispensativè eligi possit constitutus in minoribus, etiam irregularis, c. *Tuam b. t. ad Archipresbyteratum, & Archidiaconatum, ut sit Diaconus; V. infra nu. 2803.*

Quæstio est 3. quis ordo requiratur in eligendo ad *Episcopatum*? Resp. requiri de jure saltem subdiaconatum, c. *à multis, 9. h. t. & saltem sex mensibus priùs, Trid. sess. 22. c. 2. de reform.* Not præterea, quemlibet acceptantem beneficium, debere esse actu Clericum; nec in hoc casu cingendum haberi pro accincto; ita Vallensis *b. t. nu. 5. & 3.*

## ARTICULUS III.

## De ætate jure requisita ad suscipiendos Ordines.

**R**Esp. breviter, ad *primam tonsuram*, & minores Ordines, sufficere ætatem, quæ idonea videbitur Episcopo, ut iniuniat *Trid. infra citandum*; ad acquirendum *Subdiaconatum* in recipiente requiri ætatem 22. annorum; ad *Diaconatum* 23. ad *Presbyterium* 25. sic *Trid. sess. 23. de Reform. c. 12.* sufficit autem, hos annos esse inceptos; Vallensis hic n. 3. §. 4. *Tridentinum loc. cit. sic loquitur:* nullus imposterum, ad Subdiaconatus Ordinem *ante vigesimum secundum*; ad Diaconatus, *ante vigesimum tertium*; ad Presbyteratus *ante vigesimum quintum* ætatis suæ annum promoteatur: sciunt tamen Episcopi, non singulos, in ea ætate constitutos, debere ad hos Ordines assimi; sed *dignos duntaxat, & quorum probata vita, lenocitus sit: Regulares quoque, nec in minori ætate, nec sine diligentí Episcopi examine, ordinentur: privilegijs quibuscumque, quoad hoc penitus exclusi.*

*Not.*